

佛說稱揚諸佛功德經卷中

【元魏天竺三藏吉迦夜譯】

喃謨世尊南方得勇力世界普香熏王如來【誦七遍】【2022/1/21 日 11.22 P.M.】
Namo bhagavate dakṣiṇa-labdha-śūra-bala-loka-samanta-gandha-vāsa-rājāya tathāgatāya arhate samyak-sambuddhāya.

不空摩尼供養南方得勇力世界普香熏王如來真言【誦七遍】【2022/1/21】
Om, amogha maṇi pūjā mantra pra-sava vi-kurvite, samanta dakṣiṇa-labdha-śūra-bala-loka-samanta-gandha-vāsa-rāja tathāgata viṣayam ābharaṇa gandha-sugandha maṇi-ratna gandha-puṣpa pra-varṣaṇa svāhā.

經文：

復次，舍利弗！南方去此珠光世界，度無數千佛刹，有世界名曰：得勇力，其國有佛，號三曼哆捷陀嚩娑如來、應供、正遍知、明行足、善逝、世間解、無上士、調御丈夫、天人師、佛、世尊，度人無量。舍利弗！其佛如來，本求大乘，為菩薩時，作是誓願：我設先世供養諸佛，及復供養捷杜哆摩如來正覺，燒名好香，丸如芥子，自誓願言：願我今日持此功德，成作佛時，身諸毛孔悉出妙香，熏遍十方恒河沙世界，猶若雲起，皆令彌滿他方佛國無量世界，一切眾生得具戒香。聞我名者，斯等眾生，成作佛時，我諸毛孔，亦出斯香，遍無量國。三曼哆捷陀嚩娑如來，亦自滿具一切諸願。若使有人讚歎，廣說如來名德，若族姓男、族姓女，七日之中，飢不獲食，亦當往聽，歎說如來功德之法。所以者何？聞斯佛名，所得功德，不可限量。

舍利弗言：如是，世尊！其有得聞三曼哆捷陀嚩娑如來名，所得功德，不可稱量，甚多乃爾！最後世時，若族姓男、族姓女，聞斯功德，歡喜踊躍，及復得聞諸佛名號功德法者，魔王不能毀壞其人無上道心。所以者何？諸佛世尊，皆共擁護此等眾生，是故魔王不能壞其人道心。

佛言：設我讚歎斯佛功德，眾生聞者，或能惑亂。所以爾者，此等之類，福德淺薄、無點所致，不能信持。若有信者，舍利弗！皆當歡喜，踊躍自慶，此等必當成就無上正覺；而於此中所得功德，我當為汝引少譬喻，諸佛大慈，皆欲使人入其法中，十方世界，滿中七寶，持用布施，所得功德，寧為多不？

舍利弗言：甚多，甚多，天中天！

佛言：不如有人，得聞三曼哆捷陀嚩娑如來名者，得福甚多，過出施上百倍有餘；加復作禮，五體投地，得其福德，不可思議，却生死罪，百劫在後。

公元 2022/1/21 日馬來西亞萬撓佛教會蔡文端翻譯整理版。

萬撓佛教會網站：<http://www.dharanipitaka.com/>